



জাতীয় সংসদ নির্বাচন অগ্রাধিকার
অতীব জরুরি

বাংলাদেশ নির্বাচন কমিশন
নির্বাচন কমিশন সচিবালয়
web: www.ecs.gov.bd
ফ্যাক্স : ৫৫০০৭৫৫৮, ৫৫০০৭৬১১

নং-১৭.০০.০০০০.০৩৪.৩৬.০১৪.১৮-৭১৯

তারিখঃ ০৯ অগ্রহায়ণ ১৪২৫
২৩ নভেম্বর ২০১৮

পরিপত্র-৭

বিষয় : জাতীয় সংসদ নির্বাচনে প্রার্থীদের হলফনামা দাখিল, হলফনামার তথ্যসমূহ বাছাই এবং হলফনামার তথ্যাবলী প্রচার

উপর্যুক্ত বিষয়ে নির্দেশিত হয়ে জানানো যাচ্ছে যে, গণপ্রতিনিধিত্ব আদেশ, ১৯৭২ এর অনুচ্ছেদ ১২ এর দফা (৩বি) অনুসারে জাতীয় সংসদ নির্বাচনে সকল প্রার্থীকে মনোনয়নপত্রের সাথে হলফনামার মাধ্যমে ৮টি তথ্য ও কোন কোন তথ্যের সপক্ষে কাগজপত্র দাখিল করতে হবে। একাদশ জাতীয় সংসদ নির্বাচনে মনোনয়নপত্রের সাথে হলফনামা যথাযথভাবে দাখিল করা হয়েছে কিনা এবং হলফনামার তথ্যসমূহ যথাযথ কিনা রিটার্নিং অফিসার তা নিশ্চিত করার ব্যবস্থা গ্রহণ করবেন। মনোনয়নপত্রের সাথে হলফনামার মাধ্যমে প্রাপ্ত তথ্যাবলী ভোটারদের মধ্যে প্রচারের ব্যবস্থা করতে হবে। হলফনামায় প্রদত্ত তথ্য প্রচারের সুবিধার্থে প্রার্থীগণের নিকট হতে হলফনামার মূল কপি ছাড়াও আরও দুটি ফটোকপি নিতে হবে। স্পষ্টীকরণের জন্য ৮ দফা তথ্য প্রদানের বিষয়ে নিম্নে বিস্তারিতভাবে দেয়া হলো:

- (১) প্রার্থী কর্তৃক অর্জিত সর্বোচ্চ শিক্ষাগত যোগ্যতার সার্টিফিকেটসহ উত্তীর্ণ পরীক্ষার নাম (এ ঘর খালি রাখা যাবে না, কোন প্রাতিষ্ঠানিক শিক্ষা না থাকলে নিরক্ষর, স্বাক্ষর জ্ঞান সম্পন্ন, অষ্টম শ্রেণী পাশ ইত্যাদি উল্লেখ করতে হবে। তবে বাস্তবে এমনও হতে পারে যে সর্বশেষ শিক্ষাগত যোগ্যতার সার্টিফিকেট কোন প্রার্থীর কাছে নেই। সেক্ষেত্রে সর্বশেষ যোগ্যতা এমএ তবে সময়ভাবে তা সংগ্রহ করতে না পারায় বিএ পাশের সার্টিফিকেট সংযুক্ত করা হলো- এভাবেও তথ্য দেয়া যেতে পারে);
- (২) প্রার্থীর বিরুদ্ধে বর্তমানে কোন ফৌজদারী মামলা আছে কিনা;
- (৩) অতীতে প্রার্থীর বিরুদ্ধে দায়েরকৃত কোন ফৌজদারী মামলার রেকর্ড আছে কিনা, থাকলে তার রায় কি ছিল? (প্রার্থী সকল তথ্য প্রদান করবেন এটাই প্রত্যাশিত। তবে অতীতের মামলা সংক্রান্ত, বিশেষ করে অনেক পুরনো হলে, বিশদ তথ্য প্রার্থীর কাছে সঞ্চারিত নাও থাকতে পারে। তাই চূড়ান্ত প্রতিবেদন দেয়া হয়ে গেছে, বা খালাস পেয়েছেন এমন ক্ষেত্রে বিশদ তথ্য না দিতে পারার কারণে মনোনয়নপত্র বাতিল করা হবে না। তবে দণ্ডিত হয়ে থাকলে এবং তা উল্লেখ না করার বিষয় প্রমাণিত হলে মনোনয়নপত্র গ্রহণযোগ্য হবে না);
- (৪) পেশার বিবরণী (বিস্তারিত বিবরণ দিতে হবে);
- (৫) আয়ের উৎস বা উৎসসমূহ;
- (৬) প্রার্থীর নিজের ও অন্যান্য নির্ভরশীলদের পরিসম্পদ ও দায় এর বিবরণী (উল্লেখ্য যে, যদি কোন প্রার্থী আয়কর দাতা হন এবং তিনি তাঁর রিটার্ন ও সম্পদের বিবরণী দাখিল করেন, তবে এ ঘরে সে তথ্য উল্লেখ করে বিস্তারিত বিবরণ না দিলেও গ্রহণযোগ্য হবে। কারণ আয়কর রিটার্নের সাথে দেয়া সম্পদ বিবরণীতে সম্পদের বিস্তারিত বিবরণ থাকে। আয়কর রিটার্নের কপি গেজেটেড কর্মকর্তা/আয়কর আইনজীবীর মাধ্যমে প্রত্যয়ন করলেও গ্রহণযোগ্য হবে);
- (৭) ইতোপূর্বে জাতীয় সংসদের সদস্য ছিলেন কিনা এবং থাকলে ভোটারদেরকে প্রদত্ত প্রতিশ্রুতি এবং এর কি পরিমাণ অর্জন সম্ভব হয়েছিল এ সংক্রান্ত তথ্যাদি (ইতোপূর্বে সংসদ সদস্য নির্বাচিত হয়ে থাকলেই কেবল এটি প্রযোজ্য হবে। কোন প্রতিশ্রুতি না থাকলে 'প্রতিশ্রুতি নেই' অথবা 'অর্জন নেই' ইত্যাদি লেখা হলে তা গ্রহণযোগ্য হবে);
- (৮) কোন ব্যাংক বা আর্থিক প্রতিষ্ঠান হতে প্রার্থী কর্তৃক একক বা যৌথভাবে বা প্রার্থীর উপর নির্ভরশীল সদস্য কর্তৃক গৃহীত ঋণের পরিমাণ অথবা কোন ব্যাংক বা আর্থিক প্রতিষ্ঠানের চেয়ারম্যান, ব্যবস্থাপনা পরিচালক বা পরিচালক হওয়ার সুবাদে ঐ সব প্রতিষ্ঠান হতে গৃহীত ঋণের পরিমাণ।

অফিসের ঠিকানাঃ

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগঃ

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইলঃ secretary@ecs.gov.bd ওয়েব এড্রেসঃ www.ecs.gov.bd

২। **মনোনয়নপত্রের সাথে অন্যান্য কাগজাদি দাখিল:** জাতীয় সংসদ নির্বাচনে প্রত্যেক মনোনয়নপত্র দাখিলকারীকে রিটার্নিং অফিসার/সহকারী রিটার্নিং অফিসারের নিকট সরাসরি মনোনয়নপত্র দাখিলের পাশাপাশি অনলাইনেও মনোনয়নপত্র দাখিলের বিধান আছে। সরাসরি অথবা অনলাইনে দাখিলকৃত মনোনয়নপত্রের সাথে ০৮টি তথ্য সম্বলিত হলফনামা ছাড়াও সম্ভাব্য উৎসের বিবরণী (ফরম-২০ অনুসারে), সম্পদ ও দায় এবং বার্ষিক আয় ও ব্যয় বিবরণী (ফরম-২১ অনুসারে) দাখিল করতে হবে। সেই সাথে প্রার্থী আয়কর দাতা হলে সর্বশেষ আয়কর রিটার্ন এবং কর পরিশোধের প্রমাণপত্রের কপি অবশ্যই দাখিল করতে হবে। নির্বাচনি ব্যয় নির্বাহের উদ্দেশ্যে খোলা ব্যাংক একাউন্টের নাম ও নম্বর মনোনয়নপত্রের নির্ধারিত স্থানে লিপিবদ্ধ করতে হবে। মনোনয়নপত্রের সাথে প্রদত্ত হলফনামার নমুনা অনুসারে ২০০/- (দুইশত) টাকা সর্বশেষ ধার্যকৃত মূল্যমানের নন-জুডিসিয়াল স্ট্যাম্প অথবা যেক্ষেত্রে নন-জুডিসিয়াল স্ট্যাম্প দুপ্রাপ্য হয় সেক্ষেত্রে সমপরিমাণ টাকার কোর্ট ফি সংযোজন করে নোটারী পাবলিক বা ম্যাজিস্ট্রেটের সম্মুখে হলফনামা সম্পাদন করে সংযুক্ত করতে হবে। দাখিলকৃত হলফনামার তথ্য স্বয়ংসম্পূর্ণ হতে হবে। তথ্য প্রদানের সুবিধার্থে প্রয়োজনে অতিরিক্ত কাগজ সংযুক্ত করা যাবে। যদি কোন প্রার্থী হলফনামা দাখিল না করেন বা দাখিলকৃত হলফনামায় কোন অসত্য তথ্য প্রদান করেন বা তথ্য গোপন করেন বা হলফনামায় উল্লিখিত তথ্যের সমর্থনে যথাযথ প্রমাণাদি দাখিল না করেন তাহলে তার মনোনয়নপত্র বাতিল করা যাবে। হলফনামা ও অন্যান্য তথ্যাদি মনোনয়নপত্র জমাদানের দিন থেকে সকলের জন্য উন্মুক্ত থাকবে এবং এ তথ্য নির্বাচন কমিশনের ওয়েব সাইটে সকলের অবগতির জন্য প্রকাশ করা হবে। কাজেই প্রার্থী জাতসারে বা অজাতসারে ভুল তথ্য দিলেও তথ্য প্রকাশের পর তার দায় এড়াতে পারবেন না।

৩। **হলফনামাসহ ফটোকপি সরবরাহ:** প্রার্থীর মনোনয়নপত্রের সাথে মূলকপিসহ ০২(দুই) কপি অতিরিক্ত ফটোকপি করে হলফনামা, সম্ভাব্য উৎসের বিবরণী, সম্পদ ও দায় এবং বার্ষিক আয় ও ব্যয় বিবরণী, প্রযোজ্য ক্ষেত্রে আয়কর রিটার্ন ও কর পরিশোধের প্রমাণপত্র রিটার্নিং অফিসারের নিকট দাখিল করতে হবে। এজন্য হলফনামার একটি মূল কপি ও দুটি ফটোকপি জমা দিতে হবে। উক্ত ০৩ কপি হলফনামার মধ্যে মূল কপিটি রিটার্নিং অফিসারের কার্যালয়ে সংরক্ষণ করতে হবে, ০১ কপি রিটার্নিং অফিসারের কার্যালয়ে টাংগিয়ে দিতে হবে এবং বাকি ০১ কপি থেকে বিভিন্ন এনজিও, সংবাদ মাধ্যম, সুশীল সমাজ বা অন্য কোন ব্যক্তি ফটোকপি করে নিতে পারবেন। এনজিও, সংবাদ মাধ্যম, সুশীল সমাজ বা অন্য যে কোন ব্যক্তি ফটোকপি নিজেসই করে নেবেন।

৪। **কাউন্টার এফিডেভিট:** প্রার্থী ম্যাজিস্ট্রেট/নোটারী পাবলিকের সামনে হলফনামার মাধ্যমে সত্য তথ্য প্রদানের ঘোষণা প্রদান করেন। অতএব তিনি কোন ভুল তথ্য দিলে তার দায়িত্ব তার উপর বর্তায়। এ কারণে কোন ব্যক্তি যদি এই মর্মে অন্য একটি শপথনামা প্রদান করেন যে প্রার্থীর প্রদত্ত তথ্য যথার্থ নয় এবং তিনি তার সমর্থনে দালিলিক প্রমাণাদি উপস্থাপন করতে পারেন, তবে তা কাউন্টার এফিডেভিট হিসেবে গ্রহণযোগ্য হবে এবং কোন ব্যক্তি কাউন্টার এফিডেভিট প্রদান করলে তাকে মনোনয়নপত্র বাছাইয়ের সময় রিটার্নিং অফিসারের কার্যালয়ে উপস্থিত থাকতে হবে। রিটার্নিং অফিসার মনোনয়নপত্র সম্পর্কে সিদ্ধান্ত গ্রহণকালে এরূপ কাউন্টার এফিডেভিট বিবেচনায় নেবেন।

৫। **হলফনামার তথ্যাবলী প্রচার:** হলফনামার মাধ্যমে সংগৃহীত তথ্যাদি লিফলেট আকারে ভোটারদের মাঝে প্রচার করতে হবে। লিফলেট উপজেলার বিভিন্ন স্থানে অবস্থিত হাট-বাজারে বা অন্য জনাকীর্ণ স্থানে প্রচারের ব্যবস্থা করতে হবে। অধিকন্তু এ সব তথ্য নির্বাচন কমিশন সচিবালয়ের ওয়েব সাইটেও প্রকাশ করা হবে। ওয়েব সাইটে প্রকাশের জন্য নিম্নরূপ ব্যবস্থা গ্রহণ করতে হবে:


(ক) মনোনয়নপত্র দাখিল করার সাথে সাথে হলফনামা, সম্ভাব্য উৎসের বিবরণী (ফরম-২০), সম্পদ ও দায় এবং বার্ষিক আয়-ব্যয় বিবরণী (ফরম-২১), আয়কর দাতা প্রার্থীদের ক্ষেত্রে আয়কর রিটার্ন ও কর পরিশোধের প্রমাণপত্রের অনুলিপি স্ক্যান করে পিডিএফ ফাইলরূপে নির্বাচন কমিশন সচিবালয়ে Candidate Information Management System (CIMS) এর মাধ্যমে প্রেরণ করতে হবে। নির্বাচন কমিশন সচিবালয় হতে এ কাজের জন্য ইতোমধ্যে সংশ্লিষ্ট অফিসগুলোতে স্ক্যানার এবং ল্যাপটপ প্রদানের পাশাপাশি কর্মকর্তা-কর্মচারীদের প্রয়োজনীয় প্রশিক্ষণ প্রদান করা হয়েছে।

(খ) প্রতিদ্বন্দ্বী প্রার্থীদের হলফনামায় প্রদত্ত ৮টি তথ্য সম্বলিত লিফলেট সাদা কাগজে তৈরি করতে হবে এবং লিফলেটের নমুনা এতদসঙ্গে সংযোজন করা হলো (পরিশিষ্ট-ক)। উল্লিখিত লিফলেট প্রস্তুতে জেলা নির্বাচন কর্মকর্তা/উপজেলা নির্বাচন কর্মকর্তা সহায়তা করবেন।

৬। **মনোনয়নপত্র বাছাইকালে সংশ্লিষ্ট সংস্থার প্রতিনিধির উপস্থিতি:** মনোনয়নপত্র বাছাইয়ের সময় যাতে ব্যাংক বা আর্থিক প্রতিষ্ঠানের কর্মকর্তা/প্রতিনিধি ঋণ খেলাপীদের তথ্য, থানার ভারপ্রাপ্ত কর্মকর্তা ফৌজদারী মামলা সম্পর্কিত তথ্য, জাতীয় রাজস্ব বোর্ডের স্থানীয় প্রতিনিধি আয়কর রিটার্নের তথ্য, ঠিকাদার বা আর্থিক সংশ্লেষ আছে এমন প্রার্থীদের তথ্যসহ সংশ্লিষ্ট কর্মকর্তাগণ রিটার্নিং অফিসারের কার্যালয়ে উপস্থিত থাকার জন্য স্থানীয়ভাবে নির্দেশনা প্রদান করতে হবে। মনোনয়নপত্রসমূহ বাছাইয়ের সময় তাদের প্রদত্ত তথ্য গুরুত্ব সহকারে বিবেচনায় নিয়ে মনোনয়নপত্র গ্রহণ/বাতিলের সিদ্ধান্ত করতে হবে।

৭। বর্ণিত অবস্থায়, উল্লিখিত বিষয়ে যথাযথভাবে কার্যক্রম গ্রহণের জন্য অনুরোধ করা হলো।

সংলগ্নীঃ বর্ণনা মোতাবেক


২৩/১১/২০১৮

(ফরহাদ আহাম্মদ খান)

যুগ্মসচিব

নির্বাচন পরিচালনা-২ অধিশাখা

ফোন: ৫৫০০৭৫২৫ (অফিস)

৭৯১১৮৪৬ (বাসা)

০১৭১৫০০০৭৪৯ (মোবাইল)

E-mail: forhadakecs2015@gmail.com

প্রাপক

১। বিভাগীয় কমিশনার, ঢাকা/চট্টগ্রাম ও রিটার্নিং অফিসার

২। জেলা প্রশাসক,(সকল) ও রিটার্নিং অফিসার

নং-১৭.০০.০০০০.০৩৪.৩৬.০১৪.১৮-৭১৯

তারিখঃ ০৯ অগ্রহায়ণ ১৪২৫
২৩ নভেম্বর ২০১৮

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো (জ্যেষ্ঠতার ভিত্তিতে নয়):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়/মুখ্য সচিব, প্রধানমন্ত্রীর কার্যালয়, ঢাকা
২. গভর্নর, বাংলাদেশ ব্যাংক, ঢাকা
৩. প্রিন্সিপাল স্টাফ অফিসার, সশস্ত্রবাহিনী বিভাগ, ঢাকা সেনানিবাস, ঢাকা
৪. সিনিয়র সচিব, মন্ত্রণালয়/বিভাগ (সকল)
৫. মহাপুলিশ পরিদর্শক, বাংলাদেশ, পুলিশ হেডকোয়ার্টার্স, ঢাকা
৬. সচিব, রাষ্ট্রপতির কার্যালয়, বঙ্গভবন, ঢাকা
৭. সচিব, মন্ত্রণালয়/বিভাগ (সকল)
৮. মহাপরিচালক, বিজিবি/আনসার ও ভিডিপি/র্যাপিড এ্যাকশন ব্যাটালিয়ন (র্যাব)/কোস্টগার্ড, ঢাকা
৯. অতিরিক্ত সচিব, নির্বাচন কমিশন সচিবালয়, ঢাকা
১০. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
১১. বিভাগীয় কমিশনার,(রাজশাহী/খুলনা/বরিশাল/সিলেট/রংপুর/ময়মনসিংহ)
১২. উপমহাপুলিশ পরিদর্শক, (সকল রেঞ্জ)
১৩. পুলিশ কমিশনার, মেট্রোপলিটন পুলিশ (সকল)

১৪. যুগ্মসচিব (সকল), নির্বাচন কমিশন সচিবালয়, ঢাকা
১৫. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৬. সিস্টেম ম্যানেজার, নির্বাচন কমিশন সচিবালয়, ঢাকা [ওয়েব সাইটে প্রকাশের প্রয়োজনীয় ব্যবস্থা গ্রহণের অনুরোধসহ]
১৭. যুগ্মসচিব (জনসংযোগ), নির্বাচন কমিশন সচিবালয়, ঢাকা
১৮. আঞ্চলিক নির্বাচন কর্মকর্তা, (সকল)
১৯. উপসচিব (সকল), নির্বাচন কমিশন সচিবালয়, ঢাকা
২০. জোনাল এক্সিকিউটিভ অফিসার, (সংশ্লিষ্ট) ও সহকারী রিটার্নিং অফিসার
২১. পুলিশ সুপার, (সকল)
২২. সিনিয়র জেলা নির্বাচন অফিসার/জেলা নির্বাচন অফিসার, (সংশ্লিষ্ট) ও সহকারী রিটার্নিং অফিসার
২৩. সিনিয়র জেলা নির্বাচন অফিসার/জেলা নির্বাচন অফিসার, (সকল)
২৪. উপজেলা নির্বাহী অফিসার, (সকল) ও সহকারী রিটার্নিং অফিসার
২৫. ও সহকারী রিটার্নিং অফিসার
২৬. জেলা কমান্ড্যান্ট, আনসার ও ভিডিপি, (সকল)
২৭. জেলা তথ্য অফিসার, (সকল)
২৮. মাননীয় প্রধান নির্বাচন কমিশনার-এর একান্ত সচিব, নির্বাচন কমিশন সচিবালয়, ঢাকা (প্রধান নির্বাচন কমিশনার মহোদয়ের সদয় অবগতির জন্য)
২৯. মাননীয় নির্বাচন কমিশনার জনাব -এর একান্ত সচিব, নির্বাচন কমিশন সচিবালয়, ঢাকা (মাননীয় নির্বাচন কমিশনার মহোদয়ের সদয় অবগতির জন্য)
৩০. সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সচিব মহোদয়ের সদয় অবগতির জন্য)
৩১. সিনিয়র সহকারী সচিব/সহকারী সচিব (সংশ্লিষ্ট), নির্বাচন কমিশন সচিবালয়, ঢাকা
৩২. উপজেলা/থানা নির্বাচন অফিসার, (সংশ্লিষ্ট) ও সহকারী রিটার্নিং অফিসার
৩৩. উপজেলা/থানা নির্বাচন অফিসার..... (সকল)
৩৪. ভারপ্রাপ্ত কর্মকর্তা, (সকল)
৩৫. নির্বাচন কমিশন সচিবালয়ের সকল কর্মকর্তা।



(মোঃ আতিয়ার রহমান)

উপসচিব

নির্বাচন ব্যবস্থাপনা ও সমন্বয়-১ শাখা

ফোন: ৫৫০০৭৬১০ ফ্যাক্স : ৫৫০০৭৫৫৮

E-mail: sasemc1@gmail.com

গণপ্রতিনিধিত্ব আদেশ, ১৯৭২ এর অনুচ্ছেদ ১২ এর দফা (৩বি) অনুসারে প্রার্থী হলফনামার মাধ্যমে প্রদত্ত তথ্যাবলী

নির্বাচনি এলাকার নম্বর ও নাম:

ক। প্রার্থীর নাম ও ঠিকানা:

(১) শিক্ষাগত যোগ্যতা:

(২) বর্তমানে কোন ফৌজদারী মামলায় অভিযুক্ত কিনা?

(৩) অতীতে কোন ফৌজদারী মামলা হয়েছিল কিনা? হলে মামলার ফলাফল কি?

(৪) পেশা/জীবিকা:

(৫) আয়ের উৎস/উৎসসমূহ:

(৬) প্রার্থী ও প্রার্থীর উপর নির্ভরশীল ব্যক্তি/ব্যক্তিবর্গের সম্পদ ও দায়-দেনার বিবরণী:

(ক) স্থাবর সম্পত্তি

(খ) অস্থাবর সম্পত্তি

(গ) দায়-দেনাসমূহ

(৭) ইতোপূর্বে জাতীয় সংসদের সদস্য ছিলেন কিনা? থাকলে জনগণের নিকট প্রতিশ্রুতি পূরণে কোন ভূমিকা ছিল কিনা?

(৮) ঋণ সংক্রান্ত বিবরণী:

ক। প্রার্থীর নাম ও ঠিকানা:

(১) শিক্ষাগত যোগ্যতা:

(২) বর্তমানে কোন ফৌজদারী মামলায় অভিযুক্ত কিনা?

(৩) অতীতে কোন ফৌজদারী মামলা হয়েছিল কিনা? হলে মামলার ফলাফল কি?

(৪) পেশা/জীবিকা:

(৫) আয়ের উৎস/উৎসসমূহ:

(৬) প্রার্থী ও প্রার্থীর উপর নির্ভরশীল ব্যক্তি/ব্যক্তিবর্গের সম্পদ ও দায়-দেনার বিবরণী:

(ক) স্থাবর সম্পত্তি

(খ) অস্থাবর সম্পত্তি

(গ) দায়-দেনাসমূহ

(৭) ইতোপূর্বে জাতীয় সংসদের সদস্য ছিলেন কিনা? থাকলে জনগণের নিকট প্রতিশ্রুতি পূরণে কোন ভূমিকা ছিল কিনা?

(৮) ঋণ সংক্রান্ত বিবরণী: